

摘藻堂四庫全書薈要

史部

欽定大清會典卷五十八

樂部

典樂以禮部滿尚書兼之各部院內務府堂官
知樂者

簡用無定員掌五音六律以合陰陽之聲所屬有神
樂和聲二署掌儀司鑾儀衛樂並隸焉神樂署
漢署正一人漢署丞二人漢協律郎五人漢司

樂二十二人和聲署署正滿漢各一人署丞滿

漢各一人

以禮部內務府司官兼攝

供奉供用

無定員以太常寺鴻臚寺

內務府官兼攝掌儀司鑾儀衛司官各見該衙門

分掌協律之事

凡

郊

廟祠祭之樂神樂署司之

殿廷朝會燕饗之樂和聲署司之

宮中慶賀燕饗之樂掌儀司司之饒歌鼓吹前部

大樂鑾儀衛司之均統於樂部春秋季月大合
樂於樂部典樂率所屬咸泣視之

凡祠祭樂律

南郊以黃鐘為宮

北郊以林鐘為宮

太廟以太簇為宮

社稷春以夾鐘為宮秋以南呂為宮祈雨以夾鐘為
宮報祭以南呂為宮朝

日以太族為宮夕

月以南呂為宮

前代帝王

先師孔子均春以夾鐘為宮秋以南呂為宮

先農以姑洗為宮

先蠶以仲呂為宮

天神以黃鐘為宮

地祇以林鐘為宮

太歲以太族為宮

凡樂章

天

地

太廟

社稷

帝王廟

文廟

先蠶

太歲均曰平

日曰曦

月曰光

先農曰豐禱祀亦曰豐祀

天九奏冬至迎

帝神奏始平奠玉帛景平進俎咸平初獻壽平亞獻嘉

平終獻永平徹饌熙平送神清平望燎太平

祈穀迎

帝神奏祈平奠玉帛綏平進俎萬平初獻寶平亞獻穰
平終獻瑞平徹饌渥平送神滋平望燎穀平
常雩迎

帝神奏霽平奠玉帛雲平進俎需平初獻霖平亞獻露
平終獻霑平徹饌靈平送神霽平望燎霈平祭
地八奏迎神奏中平奠玉帛廣平進俎含平初獻大平
亞獻安平終獻時平徹饌貞平送神寧平

太廟六奏時饗迎神奏貽平奠帛初獻敦平亞獻敷平
終獻紹平徹饌光平還宮又平大禋迎神奏開
平奠帛初獻肅平亞獻協平終獻裕平徹饌誠
平還宮成平

社稷七奏春秋祈報迎神奏登平奠玉帛初獻茂平
亞獻育平終獻敦平徹饌博平送神樂平望瘞
徵平祈雨報祭迎神奏延豐奠玉帛初獻介豐
亞獻滋豐終獻霈豐送神貽豐望瘞溥豐朝

日七奏迎神奏寅曦奠玉帛朝曦初獻清曦亞獻咸
曦終獻純曦徹饌延曦送神歸曦夕

月六奏迎神奏迎光奠玉帛初獻升光亞獻瑤光終
獻瑞光徹饌涵光送神保光饗

前代帝王六奏迎神奏肇平奠帛初獻興平亞獻崇
平終獻恬平徹饌淳平送神匡平釋奠於

先師六奏迎神奏昭平奠帛初獻宣平亞獻秩平終
獻叙平徹饌懋平送神德平饗

先農七奏迎神奏永豐奠帛初獻時豐亞獻咸豐終
獻大豐徹饌屢豐送神報豐望瘞慶豐饗

先蠶六奏迎神奏庥平初獻承平亞獻均平終獻齊
平徹饌柔平送神洽平祈報

天神

地祇均六奏迎神奏祈豐奠帛初獻華豐亞獻興豐
終獻儀豐徹饌和豐送神錫豐

方獻同祀

太歲六奏祖迎迎神奏保平奠帛初獻定平亞獻嘏

平終獻富平徹饌盈平送神豐平祈雨報祭迎
神奏需豐奠帛初獻宜豐亞獻晉豐終獻協豐
徹饌應豐送神洽豐羣祀自

先醫以下均和聲署奏慶神歡樂

凡佾舞

壇

廟初獻舞武功之舞亞獻終獻舞文德之舞均八佾
文廟六佾三獻均文舞

先蠶及羣祀無佾舞

凡樂器中和韶樂八音咸備金之屬曰鐘石之屬曰磬絲之屬曰琴曰瑟竹之屬曰排簫曰簫曰箴曰箎匏之屬曰笙土之屬曰壎革之屬曰鼓曰搏拊木之屬曰祝曰敔

壇

廟均麾一編鐘編磬各十有六琴十瑟四排簫二簫箴笙各十壎二箎六建鼓一搏拊二祝敔各一木

笏十

文廟琴簫箏笙各六箎四木笏六餘均同

先賢壇方響十有六琴四瑟二雲璈二簫箏笙各六
鼓一杖鼓二拍二木笏十羣祀樂雲璈一箏笙
管各二鼓一拍一○佾舞器引舞以旌節左右
各一武功之舞以干戚文德之舞以羽籥各六
十有四

凡設樂

四郊

社稷

先農

先蠶設於壇下

祈年殿

太廟

帝王廟

文廟設於階上

太歲殿設於殿內均左右懸羣祀樂設於右階上下

凡朝會樂律

御殿還宮奏中和韶樂三大節均以黃鐘為宮常朝
正月以太族二月以夾鐘三月以姑洗四月以
仲呂五月以蕤賓六月以林鐘七月以夷則八
月以南呂九月以無射十月以應鐘十一月以
黃鐘十二月以大呂為宮遇閏節前從上月律
節後從下月律為宮

皇太后

皇后宮三大節均以南呂為宮

凡樂章

皇帝陞殿元日奏元平長至遂平元宵怡平

萬壽聖節乾平常期隆平還宮元日奏和平長至允

平元宵昇平

萬壽聖節泰平常朝顯平

皇太后陞座奏豫平還宮履平

皇后陞座奏淑平還宮順平○朝賀行禮奏丹陞大

樂樂章

太和殿羣臣行禮奏慶平外藩四夷使臣行禮奏
治平內朝行禮奏雖平

皇太后宮三大節

皇帝率羣臣行禮奏益平

皇后率

貴妃

妃

嬪公主福晉命婦行禮與

內朝同

皇后宮三大節

貴妃

妃

嬪公主福晉命婦行禮奏正平

凡

乘輿出入及慶典奏導迎樂

躬祀

壇

廟禮成回鑾奏佑平

巡狩方嶽

車駕出入進春進表箋進書進種稯進鉤筐

頒詔

頒朔迎吻齋榜均奏禧平

凡清樂均以樂辭首句為章名章多者擇奏數

闕○恭上

皇太后徽號

御太和殿閱

冊

寶奏海上蟠桃之章

大燕進饌奏萬象清寧之章

皇太后宮大燕同上元節張鐙奏火樹星河之章

耕藉禮成設燕進饌奏風和日麗之章

幸翰林院設燕進饌奏玉署延英之章凱旋
賜燕進饌奏日耀中天之章均殿廷清樂○

大燕進茶奏海宇昇平日之章進酒奏玉殿雲開之
章

皇太后宮大燕同

耕藉禮成設燕進茶奏喜春光之章進酒奏雲和迭
奏之章

幸翰林院設燕進茶奏文物京華盛之章進酒奏延

閣雲濃之章凱旋

賜燕進茶奏景運乾坤泰之章進酒奏聖德誕敷之
章均丹陛清樂

皇帝耕藉歌三十六禾辭

皇后親採桑歌採桑歌

大燕進酒歌慶隆舞樂九章

車駕至

盛京大燕歌世德舞樂十章凱旋

賜燕歌德勝舞樂章

臨時撰擬

並於笳吹樂之六十七章

番部合樂之六章擇奏數闕

大閱

駕出鏡歌大樂奏壯軍容之章

駕入鏡歌清樂奏聖皇威之章○衍聖公來朝

賜燕於禮部五魁舞樂奏洙泗發源長之章

賜恩榮燕於禮部奏啟天門之章鷹揚燕於兵部奏

和氣洽之章行鄉飲酒禮於順天府庠歌鹿鳴

笙

御製補南陔之章閒歌魚麗笙

御製由庚之章合樂闕睢

凡饒歌清樂二十七章大樂二十八章

皇帝省方駐宿

御營每朝鳴蒙古畫角每夕閒奏饒歌樂數闕

躬祀

郊

廟禮成回鑾及獻俘均奏前部大樂饒歌鼓吹

凡隊舞

殿廷燕饗之舞有揚烈舞喜起舞合稱慶隆舞
盛京稱世德舞凱旋

賜燕稱德勝舞又有朝鮮國俳舞瓦爾喀部樂舞擲
倒伎舞繩伎舞元日燕羣臣於

太和殿歲除燕外藩於

保和殿元宵於

禁苑諸舞備舉

凡樂器中和韶樂均麾一編鐘編磬各十有六
琴四瑟二排簫二簫篴各四笙八塤箎各二建
鼓一搏拊二祝敔各一○丹陛大樂戲竹二方
響二雲璈二篴管笙各四大鼓二杖鼓拍各一
○清樂均雲璈篴管笙各二小鼓杖鼓拍各一
○導迎樂雲璈二篴四管六笙二鼓拍各一○
三十六禾辭樂金鼓簫篴笙拍各六○採桑歌

樂金鼓拍各二簫篴笙各六○慶隆樂箏阮各

一琵琶三弦各八節拍各十有六世德舞德勝

舞同茄吹樂茄阮箏口琴各一番部合奏樂箏

琵琶三絃二絃月琴胡撥箏阮四絃阮雲璈篴

管簫笙拍各一○部燕樂雲璈篴管笙各二鼓

拍各一○鄉飲酒樂編磬八琴瑟各一簫篴笙

各四○饒歌鼓吹畫角二十有四柶鼓四十有

八杖鼓拍各二金二鉦四篴十有二十大銅角小

銅角各八前部大樂大銅角小銅角金口角各
四鐃歌大樂大銅角小銅角金口角各八銅鼓
四金二鈸點鼓各一鐃歌清樂雲璈篳管笙各
二鈸點鼓各一○隊舞器揚烈舞介冑弓矢大
刀面具禺馬喜起舞具朝服佩儀刀

凡設樂

宮懸設於

太和殿

保和殿檐下丹陛大樂設於

太和門

中和殿後檐下清樂二部一設於殿外中和樂之東一設於丹陛樂之東揚烈舞及諸樂舞於丹陛喜起舞及笳吹番部合奏樂於

殿內慶隆樂及瓦爾喀部樂舞於檐下均先蒞於殿外東序

欽定大清會典卷五十八

欽定大清會典卷五十九

兵部

尚書滿漢各一人左右侍郎滿漢各一人掌中
外武職銓選簡覈軍實以贊邦政所屬有武選
車駕職方武庫四司

武選清吏司郎中滿三人蒙古一人漢一人員
外郎滿四人漢二人主事滿漢各一人掌武職

除選封廕及征伐訓誥頒其政令

車駕清吏司郎中滿三人漢一人員外郎滿二人蒙古一人主事滿漢各一人掌驛傳郵符中外馬政

職方清吏司郎中滿四人漢二人員外郎滿三人蒙古一人漢一人主事滿洲蒙古各一人漢二人掌天下輿圖以周知險要敘功覈過以待賞罰黜陟

武庫清吏司郎中滿二人漢一人員外郎滿洲
蒙古各一人主事滿漢各一人掌兵籍戎器鄉
會武科及編發戍軍

堂主事掌文案者滿二人掌章奏者滿二人漢
軍一人

司務滿漢各一人

館所監督滿漢各一人

以司官
兼攝

筆帖式滿六十二人蒙古八人漢軍八人分隸

各司視事之繁簡以為額

武選清吏司

官制

凡侍從武職領侍衛內大臣六人內大臣六人
均正一品散秩大臣無定員從二品一等侍衛
六十九人正三品二等侍衛百六十八人正四
品三等侍衛三百三十三人正五品四等侍衛
無定員從五品監翎侍衛九十人正六品親軍

校四十五人從六品漢侍衛無定員○鑾儀衛
掌衛事內大臣一人正一品鑾儀使滿二人漢
一人正二品冠軍使滿七人漢軍三人正三品
雲麾使滿二十人漢軍八人正四品治儀正滿
二十人漢軍二十二人正五品整儀尉滿十有
三人漢軍十有六人正六品

凡八旗武職都統滿洲蒙古漢軍旗各一人正
一品副都統旗各二人正二品驍騎叅領滿洲

旗各五人蒙古旗各二人漢軍旗各五人正三品副驍騎叅領如叅領之數佐領無定員均正四品驍騎校每佐領下一人從六品○前鋒統領左右翼各一人正二品前鋒叅領旗各二人

正三品前鋒侍衛旗各二人正四品委署前鋒

叅領旗各一人

繫五品
虛銜

前鋒校旗各十有二人

從六品

均滿洲蒙古
用護軍營同

○護軍統領旗各一人

正二品護軍叅領旗各十有四人正三品副護

軍叅領如叅領之數正四品委署護軍叅領旗

各七人

繫五品
虛銜

護軍校每佐領下一人從六品

○提督九門巡捕三營步軍統領一人正二品

左右翼翼尉二人正三品協尉旗各三人城門

領二十五人均正四品副尉如協尉之數步軍

尉旗各四十二人均正五品城門吏二十五人

正七品○火器營總統六人

王公大臣
兼任

烏槍護軍

叅領十有六人正三品驍騎叅領二十四人司

礮官九十六人護軍校一百十有六人驍騎校

五十二人各從其品

驍騎參領以下均以滿洲蒙古各官兼任○

圓明園總統無定員

王公大臣兼任

營總護軍參領旗各

一人均正三品副護軍參領旗各二人正四品

署副參領旗各四人正五品護軍校旗各十有

六人從六品○健銳營總統無定員

王公大臣兼任翼

領左右翼各一人前鋒參領旗各一人均正三

品副前鋒參領如參領之數正四品前鋒校旗

各五人從六品○白塔信礮總管一人正四品
司信礮官旗各一人正五品○

南苑總尉一人正四品防禦八人正五品○

內府三旗護軍統領三人正三品護軍叅領副護
軍叅領驍騎叅領旗各五人均正五品佐領三
十五人正四品前鋒校旗各二人護軍校旗各
三十五人驍騎校每佐領下一人均從六品○

圓明園內府三旗護軍營總一人正四品護軍叅

領副叅領旗各一人均正五品署叅領如叅領之數護軍校旗各三人均從六品○王公府屬武職親王長史一人正三品散騎郎四人以世爵領之護衛一等六人從三品二等六人從四品三等八人從五品典儀從四品從五品從六品各二人親軍校無定員從六品世子長史一人散騎郎三人護衛一等六人二等五人三等六人典儀從四品一人從五品從六品各二人

郡王長史一人散騎郎三人護衛一等六人二等四人三等五人典儀從五品從六品各二人長子長史一人護衛一等二人二等四人三等六人典儀從五品二人從六品一人貝勒司儀長一人正四品護衛二等六人三等四人典儀從五品一人從六品二人貝子三等護衛六人典儀從六品一人從七品二人鎮國公輔國公均三等護衛四人典儀從七品從八品各一人

○五旗王公府屬叅領旗各五人從五品佐領
旗各七人從四品驍騎校每佐領下一人從六
品
凡

陵寢武職

永陵總管一人翼領二人司工匠一人均正四品防禦
十有六人正五品

以下官
品同

福陵總管一人翼領二人防禦十有六人司工匠一人

昭陵總管一人翼領二人防禦十有六人司工匠一人
昭西陵防禦十有六人驍騎校二人從六品

孝陵總管一人翼領二人防禦十有六人驍騎校二人
孝東陵防禦十有六人驍騎校二人

景陵總管一人翼領二人防禦十有六人驍騎校二人
皇貴妃園寢防禦四人驍騎校一人

妃園寢防禦八人驍騎校一人

泰陵總管一人翼領二人防禦十有六人驍騎校二人

妃園寢防禦八人驍騎校一人

孝賢皇后陵寢總管一人翼領二人防禦十有六人
驍騎校二人

妃園寢防禦八人驍騎校一人

端慧皇太子園寢防禦八人

凡八旗駐防武職將軍

盛京等處一人吉林等處一人黑龍江等處一人

山東青州府一人山西綏遠城一人

兼轄右衛

江南

江寧府一人

兼轄京口

福建福州府一人浙江杭州

府一人

兼轄乍浦

湖廣荊州府一人陝西西安府一

人寧夏府一人涼州府一人

兼轄莊浪

廣東廣州府

一人從一品○都統直隸天津府一人山西歸

化城二人甘肅巴里坤一人從一品○副都統

直隸天津府一人山海關一人熱河一人

盛京三人吉林五人黑龍江三人青州府一人歸

化城二人綏遠城二人右衛二人江寧府二人

京口二人福州府二人杭州府二人乍浦一人
荊州府二人西安府四人寧夏府二人涼州府
一人莊浪一人巴里坤二人四川成都府一人
廣州府二人從二品○城守尉鄭家莊一人保
定府一人滄州一人

盛京八人黑龍江一人山東德州一人山西太原
府一人河南開封府一人從三品○協領天津
府六人山海關二人熱河六人

盛京十有四人吉林十有九人黑龍江十有六人

青州府四人綏遠城十人右衛十有二人江寧

府十人京口八人福州府九人杭州府十有三

人乍浦五人荊州府十人西安府十有八人寧

夏府六人涼州府六人莊浪三人巴里坤八人

成都府五人廣州府九人從三品○總管黑龍

江十人游牧察哈爾八旗各一人正三品張家

口一人從四品○叅領吉林一人黑龍江一人

游牧察哈爾八旗各一人從三品京口八人杭州府四人西安府八人○副管游牧察哈爾八旗各一人從三品黑龍江二十六人從四品○防守尉昌平州良鄉縣寶坻縣固安縣東安縣霸州雄縣采育里永平府順義縣三河縣玉田縣古北口獨石口冷口喜峰口各一人

盛京三人從四品○佐領鄭家莊六人天津府三十二人山海關八人熱河二十人

盛京一百三十人吉林一百二十二人黑龍江二

百三十八人游牧察哈爾一百十有四人青州

府十有六人綏遠城三十二人右衛五十二人

開封府十人江寧府五十六人福州府十有八

人杭州府三十二人乍浦十有六人荊州府五

十六人西安府五十六人寧夏府二十四人涼

州府二十四人莊浪十有二人巴里坤二十四

人成都府二十四人廣州府十有八人從四品

○防禦昌平州良鄉縣寶坻縣固安縣東安縣
霸州雄縣采育里各二人保定府四人鄭家莊
六人張家口三人古北口獨石口千家店各二
人天津府三十二人滄州四人山海關八人永
平府順義縣三河縣玉田縣冷口喜峰口各二
人羅文峪一人熱河二十人

盛京百有三人吉林七十五人黑龍江二十四人
青州府十有六人德州四人太原府四人綏遠

城三十二人右衛五十二人開封府十人江寧
府五十六人京口四十人福州府十人杭州府
四十人乍浦八人荊州府五十六人西安府九
十六人寧夏府二十四人涼州府二十四人莊
浪十有二人巴里坤二十四人成都府二十四
人廣州府三十四人從五品○步軍尉寧夏二
人涼州府四人莊浪二人從五品○驍騎校昌
平州良鄉縣寶坻縣固安縣東安縣霸州雄縣

采育里各一人保定府四人鄭家莊張家口各
六人古北口四人獨石口二人千家店一人天
津府三十二人滄州四人山海關八人順義縣
一人永平府三河縣玉田縣各二人冷口三人
喜峰口四人羅文峪二人熱河二十人游牧察
哈爾八旗一百十有四人

盛京二百六人吉林一百二十四人黑龍江二百
三十七人青州府十有六人德州四人太原府

四人綏遠城三十二人右衛五十二人開封府
十人江寧府五十六人京口四十人福州府二
十二人杭州府五十二人乍浦十有六人荊州
府五十六人西安府九十六人寧夏府二十四
人涼州府二十四人莊浪十有二人巴里坤二
十四人成都府二十四人廣州府三十八人從
五品○護軍校黑龍江二人游牧察哈爾八旗
一百十有一人從六品○捕盜官游牧察哈爾

八旗各二人從六品○管水手官吉林四品二
人五品二人六品二人黑龍江四品五人五品
三人六品五人

凡直省武職提督直隸一人兩江一人閩浙三
人湖廣一人陝甘三人四川一人兩廣二人雲
貴各一人從一品○總兵官直隸五人山東山
西河南各二人兩江七人閩浙十有三人湖廣
四人陝甘七人四川四人兩廣九人雲貴十有

三人正二品○副將直隸九人山東四人河標
一人山西二人兩江八人江寧將軍標二人河
標二人漕標一人閩浙十有九人福州將軍標
一人湖廣十有三人陝甘十有八人四川五人
兩廣二十二人廣州將軍標一人雲貴十有三
人從二品○叅將京營三人直隸八人山東九
人山西十有六人河南五人兩江十有七人河
標二人漕標一人閩浙二十人湖廣十有三人

陝甘二十一人四川八人兩廣十有九人雲貴

二十人正三品○游擊京營三人直隸二十三

人山東七人河標二人山西八人河南三人兩

江三十人江寧將軍標三人河標三人漕標四

人閩浙六十一人福州將軍標一人湖廣三十

二人陝甘七十人四川二十二二人兩廣四十四

人廣州將軍標三人雲貴五十五人從三品○

都司直隸六十一人山東十有二人河標二人

山西二十七人河南六人兩江四十六人江寧
將軍標二人河標三人漕標五人閩浙四十二
人福州將軍標一人湖廣二十一人陝甘八十
二人四川三十一人兩廣五十一人廣州將軍
標一人雲貴三十六人正四品○營守備京營
十有九人直隸六十八人河標一人山東二十
一人河標六人山西二十八人河南十有七人
兩江七十人江寧將軍標三人河標二十四人

漕標六人閩浙一百二十人福州將軍標一人
湖廣六十人陝甘百有七人四川四十三人兩
廣百有十人廣州將軍標三人雲貴百有六人
正五品○衛守備直隸一人山東四人江南十
有九人江西三人浙江七人湖廣十人甘肅六
人四川二人從五品○守禦所千總山東一人
江西八人浙江五人湖廣一人甘肅一人四川
四人從五品○衛千總直隸四人山東四十一

人江南一百二十八人江西十有七人浙江三十
十七人湖廣十有二人甘肅五人貴州九人從
六品○門千總

京城內外門三十二人從六品○營千總京營十
有五人直隸一百三十八人河標八人倉場二
人山東四十七人河標十有二人山西六十三
人河南二十九人兩江一百三十六人江寧將
軍標九人河標二十六人漕標十有二人閩浙

二百五十人福州將軍標四人湖廣一百三十
六人陝甘一百九十三人四川百有四人兩廣
二百三十七人廣州將軍標八人雲貴二百三
十人從六品○把總京營三十人直隸三百十
有八人河標十有五人倉場二人山東百人河
標十有九人山西一百三十四人河南六十人
兩江二百八十五人江寧將軍標十有七人河
標五十人漕標二十五人閩浙五百有五人福

州將軍標八人湖廣二百七十五人陝甘四百
三十五人四川二百有三人兩廣四百五十五
人廣州將軍標十有六人雲貴四百六十九人
正七品



欽定大清會典卷五十九



總校官候補中書臣吳紹潔

校對官檢討臣郭寅

校對官檢討臣王鍾健

謄錄監生臣馬嗣全

謄錄監生臣孫起鵬

欽定四庫全書薈要

史部

欽定大清會典卷

六十五
六十二

詳校官編修臣
繆晉



欽定大清會典卷六十

兵部

武選清吏司

職制上

凡八旗武職一二品官由部列名奏補領侍衛
內大臣內大臣掌鑾儀衛事內大臣均候

旨簡用鑾儀衛鑾儀使以下官均由該衙門以應用

之人列名奏補在京叅領以下駐防協領以下
官由各旗簡選應升應用之人引

見補授以名咨部五品以上者按月彙題六品以下
者注册

凡列名疏請滿洲都統由部以本翼蒙古都統
滿洲蒙古副都統滿洲蒙古見任漢軍都統副
都統前鋒護軍步軍各統領駐防滿洲將軍都
統副都統滿洲外任提督列名具疏請補蒙古

都統以本翼滿洲蒙古副都統滿洲蒙古見任
漢軍副都統前鋒護軍步軍各統領駐防滿洲
蒙古將軍都統副都統滿洲蒙古外任提督列
名具疏請補漢軍都統以本翼前鋒護軍步軍
各統領副都統駐防漢軍將軍副都統漢軍外
任提督列名具疏請補滿洲副都統以本翼蒙
古副都統滿洲蒙古見任漢軍副都統及侍郎
總兵官列名具疏請補並以應升蒙古漢軍副

都統各官列名於後以備調用其散秩大臣公侯伯子男冠軍使王府長史一等侍衛護衛前鋒護軍驍騎各叅領內府統領

圓明園營總健銳營翼領叅領別列名單附疏以進蒙古副都統以本翼蒙古見任侍郎及步軍翼尉游牧總管滿洲蒙古外任總兵官列名具疏請補其散秩大臣以下各官附疏如前漢軍副都統以本翼漢軍見任侍郎及步軍翼尉各

官列名具疏請補其散秩大臣以下各官附疏
並同前鋒統領以本翼護軍統領滿洲蒙古見
任漢軍副都統列名具疏請補護軍統領以本
翼滿洲蒙古副都統滿洲蒙古見任漢軍副都
統及俸滿之前鋒護軍各叅領由叅領補授之
王府長史列名具疏請補步軍統領以滿洲蒙
古副都統滿洲蒙古見任漢軍副都統步軍翼
尉列名具疏請補○駐防滿洲將軍以八旗滿

洲蒙古副都統滿洲蒙古見任漢軍副都統本
駐防副都統滿洲蒙古外任提督列名駐防漢
軍將軍以內外漢軍副都統漢軍外任提督列
名駐防都統以前鋒護軍各統領滿洲蒙古副
都統滿洲蒙古見任漢軍副都統滿洲蒙古外
任提督列名駐防滿洲副都統以滿洲驍騎叅
領本駐防協領及各城守尉三品總管滿洲蒙
古外任總兵官八旗副都統列名駐防漢軍副

都統以漢軍叅領各駐防協領黑龍江水師營
總管漢軍外任總兵官八旗副都統列名右衛
副都統以八旗副都統按翼列名歸化城副都
統以上三旗滿洲蒙古前鋒護軍驍騎各叅領
列名均由部具疏請補○有職守無專官者以
一二品大臣攝理之火器營總統以領侍衛內
大臣前鋒護軍各統領滿洲蒙古都統副都統
滿洲蒙古見任漢軍都統副都統列名管理營

房以本旗都統副都統列名嚮導官總統以前
鋒護軍各統領滿洲蒙古副都統滿洲蒙古見
任漢軍副都統列名巡察京倉八旗直年以都
統副都統列名均由部奏請兼攝其在京都統
各官或署外任或督師及出差懸闕者由部將
應攝之人奏請

凡信礮總管於輕車都尉騎都尉司信礮官內
簡選犧牲所所牧於騎都尉雲騎尉內簡選均

由部引

見補授黑龍江吉林四五六品管水手官由各將軍
於屬官內按品簡選送部引

見補授或所送之人不勝任由部咨取在京八旗應
升之人引

見○王府長史貝勒司儀長由都統於下五旗前鋒
護軍驍騎各叅領佐領散騎郎一二等護衛子
男輕車都尉騎都尉內每旗簡選二人送部部

會領侍衛內大臣同王貝勒擬定正陪引

見補授護衛典儀散騎郎於子以下雲騎尉以上各
官內簡選五品以上者由該王貝勒貝子公等
會部擬定正陪引

見補授六品以下者咨部注冊

凡降補各照所降之級按品擬補於正升人後
列名請

旨一二品官應降補六品者令在旗効力三年無過

進一級擬補○駐防官降調屬將軍都統副都
統所轄者俟本處駐防員闕按品補用餘令回
旗候補○文職改補旗員者給事中御史道府
以副叅領佐領城門領用員外郎同知知州以
步軍尉司信礮官用主事通判知縣以驍騎校
用小京官府州縣首領筆帖式以城門吏用○
旗員任綠旗武職仍改補旗員者副將以步軍
翼尉城守尉協領用叅將遊擊以前鋒護軍驍

騎各叅領用都司以前鋒侍衛副叅領步軍協尉佐領防守尉用守備以防禦步軍尉用○王府官降調按級擬補無官可補者罷職

凡入

覲駐防將軍都統副都統更番來京先將軍都統次副都統有副都統三四人者分兩次止一人者越一歲一次

四川副都統三年一次

均於十二月至京

入

覲述職既得

旨則回原任駐防協領總管城守尉叅領各官任滿
三年令該管官注考送部引

見分別黜陟以示勸懲○將軍副都統入

覲預以起程之日報部印交同官署理無同官者
委屬官護理赴任未久者遇入

覲之期準緩至下次協領以下各官亦如之

凡治喪旗員丁父母憂及為祖父母承重者準

治喪百日不供職副都統以上由部奏請署理
餘由本旗委署祖父母以下各照服制月日給
假

凡更改姓名五品以上者彙題六品以下者注
冊

職制中

凡直省武職副將以上列名具疏請補叅將以
下按月升選引

見補授

凡列名疏請提督由部以俸深副都統十人列
名並別列各鎮總兵官附疏以進總兵官以漢
軍俸深叅領十人列名並別列各協副將附疏
以進副將以俸深叅將十人列名並別列各營
叅將附疏以進副將叅將有記名軍功保舉及
俸滿議叙應升即用者均於疏內注明○提督
總兵官有應補者均指名具疏請補副將惟服

闕者指名具疏請補至降調開復於疏內列名
於前

凡月選單月叅將以游擊論俸推升游擊以都
司論俸推升都司以監翎侍衛按應升之月推
升餘月先用應升之功加守備次以守備論俸
推升守備以監翎侍衛按應升之月推升餘月
分各途以次升選門衛千總應升營守備者為
升班功加千總考驗一等及無職任之功加應

用營守備者為功班難廕守備及福建澎湖臺灣俸滿千總為劄班俸滿分發千總經本管官咨部入選者為分發班京營効力千總為當差班雙月叅將游擊都司以二等三等侍衛及軍政卓異者按應選之月推選餘以在部投供候補者推選守備以武進士簡選一二等在部候選及分省學習經本管官咨部入選者為科班年滿千總發回候推者為委班武舉充補提塘

及武進士武舉之在部効力者為勞班武進士
充補提塘期滿以營守備用者為効力班俸滿
分發千總經本管官咨部入選者為分發班京
營効力千總為當差班降革開復為還班○卓
異官以二四六十月用一二等侍衛以二月分
叅將游擊用歲一人三等侍衛以四六八月分
游擊都司用歲三人藍翎侍衛以單月分都司
守備用歲五人奉

旨即用及裁汰赴補親老改補近省並領劄無任可

到者

部推部選之任或經題留或別題補

均雙單月不入班次即

用迴避赴補者雙月不入班次即用奉

旨用守備無班可歸者歸雙月五人之後用○在京
候選者月之二十五日掣籤於前月之朔投供
三日驗到掣籤後考騎射引

見補授庸劣者奏退掣籤不到者罷職○每月升調
降革病休應歸月選者於科鈔及內外咨揭到

日注册以月之二十日為限限前到者本月選
限後到者次月選題奏下部議十二日以前到
者五日內覈覆歸本月選十三日以後到者歸
下月選○候補都司以上視文到先後月選守
備視俸先後門衛千總功加視引

見先後

同日者視俸次先後

無職任功加視入伍先後武進士

視簡選等次及年月先後俸滿千總武舉充補
材官及難廕守備視引

見先後

同日者視俸滿先後難廢視題廢先後材官視科名先後

武進士武舉充

補提塘材官視期滿先後

同日者視科名先後

降革開復

視還職先後同日補授同日到任官視前俸先

後初任官視原疏名次先後○京營二年俸滿

餘一日準常俸一日有半由軍功議叙者準以

京俸論邊疆分三年五年俸滿海疆分二年三

年俸滿水土惡劣之地二年俸滿見任官以到

任受劄之日論俸試署官以實授受劄之日論

俸裁汰告假丁憂開復及應降應革遇

恩詔免議者準理前俸均計其年月深淺按班推升
議叙即升及卓異官均不論俸推升

凡拔補把總於外委及未簡選之發標武舉內
拔補千總於把總及已簡選之發標武舉內拔
補均咨部彙題給劄惟馬蘭泰寧二鎮千把總
由總督擬正陪送部引

見補授○千總六年俸滿由督撫提鎮甄別優者送

部引

見或分發本省以守備題升或發回原營候部以守
備推升閱三年未得題升推升者再加甄別差
其等次為用舍

凡八旗世爵武職外用子男一等侍衛冠軍使
叅領步軍翼尉長史以副將用輕車都尉二等
侍衛雲麾使前鋒侍衛副叅領佐領步軍協尉
以叅將游擊用騎都尉三等侍衛治儀正步軍

副尉步軍尉以都司用雲騎尉恩騎尉四等侍衛監翎侍衛整儀尉親軍校前鋒校護軍校驍騎校以守備用親軍前鋒護軍以千總用○直隸山西沿邊各營於副將至守備內分定地方歸於旗員按旗次第簡用西安甘肅二省四川松潘一鎮在外題補之副將叅將以七之一游擊都司以六之一守備以五之一直隸內地各營副將叅將以五之二游擊都司守備以十之

三令外任沿邊將備之旗員調補其簡選題補要地及論俸推升均與綠旗武職同

凡漢世爵外用伯子男用副將輕車都尉用叅將騎都尉兼一雲騎尉用游擊騎都尉用都司雲騎尉用守備

凡武科錄用武進士一甲一名授一等待衛二名三名授二等待衛二甲均授三等待衛三甲入選者授監翎侍衛其餘請

旨簡選列一等二等者注冊以營守備用三等者以
衛守備用武舉會試報罷願入伍學習者發本
省標營給食馬兵糧隨營差操三年優者準保
送部由生監中式者發鄰省由營兵中式者發
本省均以千把總拔補

凡功加叙用從軍得有功加者由本管官考覈
繫外委及無職任効用者一等保送引

見候

旨用二等輪拔把總三等留營學習繫見任千把總
一等保送引

見按功加應得之官用二等以千把總應升之官用
三等報部注冊

凡廕生改武者考騎射引

見各視得廕品級以都司守備及守禦所千總衛千
總用陣亡官廕守備者考騎射引

見分定營衛歸入月選用

凡提塘三年期滿由武進士充補者依簡選等第以營衛守備用由候選候補守備充補者以應得之官即用

凡材官三年期滿由一二等武進士充補者用與充補提塘同由武舉充補者分別等第引見一等者候

旨以營衛守備用二等者以守禦所千總用

凡題補調補京營叅將游擊守備由步軍統領

簡選應升之人題補直省外海內河邊塞衝要
省會各標營副將以下守備以上有豫保奉

旨注册者由部籤掣補授無豫保注册者令督撫提
鎮簡選才技優長諳練地方之人題補苗疆及
番夷棚民錯處水土惡劣瘴癘之地各營將備
均令督撫提鎮簡選熟悉風土人地相宜者調
補

凡降補提督降一級二級及總兵官降一級均

補副將副將降一級及提鎮以下降級多者依次遞降補用無職可降者罷職應補副將者與應升之人同列名具題應補叅將至營守備者輪班候推應補營千總把總者發原籍附近之省交督撫提鎮考驗拔補門千總應降把總者交步軍統領考驗拔補

凡武職養親或推升時經督撫提鎮以親老奏請留任或初選時由部改奏近地日後均以原

任原選之人坐補

凡病痊起用除老病乞休外其因病請解任調理者游擊以下由部覈覆即令回籍叅將以上覈覆得

旨迺行痊日在原任地方由督撫提鎮在本籍由督撫疏請送部引

見以原官用千把總患病告退材尚可用者咨部注冊痊日準補

凡武職迴避月選官均避本省題補官叅將以
上避本省都司以上避本籍五百里守備避本
府千把總避本營水師及河營官不論至同族
及姍親母之父及兄弟妻之父
及兄弟已之壻外甥屬管轄者均令
官卑者迴避

凡武職丁憂提鎮由督撫題報副將由統轄官
題報皆歸籍守制服闋赴補叅將以下給假歸
籍治喪畢仍回任二十七月之內不升轉○見

任官丁憂未及報部已推升者原官若已補人
令赴新任未補人者留原任服闋補升候選官
丁憂服闋赴補若選後丁憂已給劄者照見任
官給假治喪未給劄者歸籍守制服闋補選

凡武職籍貫更復姓名者叅將以上督撫提鎮
題請游擊以下咨部注册仍於歲終彙題○任
所不得置產遇丁憂及因事解任均令歸籍若
身故之後叅將以下子孫無力遷移欲於祖父

任所入籍者地方官申報督撫咨部準其入籍
副將以上不在此例

職制下

凡衛所武職單月衛守備以衛千總領運全完
議叙即升者為即升班門衛千總俸深應升者
為應升班守禦所千總議叙即升及加銜以衛
用者為守禦所升班雙月衛守備以開復降補
還職者為還班武進士簡選三等及監翎侍衛

歸班以衛用者為科班難廕守備以衛用者為
給劄班武舉効力三年期滿為勞班武進士充
提塘期滿者為効力班守禦所千總以開復降
補還職者為還班南漕効力者為委用班廕生
改武者為給劄班武舉効力期滿以守禦所用
者為勞班門千總以漢軍武舉為科班隨幫効
力期滿者為幫班衛千總以開復降補還職者
為還班簡選一二三等武舉為一二三等科班

南漕効力者為漕班難廕為廕班候推守禦所
千總隨幫運滿者為守禦所幫班一二三等武
舉隨幫運滿者為一二三等幫班漢軍武舉隨
幫運滿者為漢軍幫班隨幫武舉科分最前者
為深科班簡選最早者為簡班世爵隨幫者為
給劄班隨幫代領重運及南漕効力科分最前
者為代重班廕生以衛千總用者為恩廕班
甘肅衛所守備專用武進士千總專用武舉如

值班無應選者即用下班之人。○營官改衛用者視奉

旨先後南漕効力重運武舉視檄委先後

同日者視簡選科名

先後

世爵隨幫視簡選先後其餘班次均與綠旗

同。○衛所官以營用者於每月截限之前歸入營班用至候選衛所官以不識文義辭者準入營班用

凡調改衛守備千總有職任繁劇者由漕運總

督於所屬守備千總內選才優者調補○貴州衛千總由總督於所屬千把總內選通曉文義熟悉苗情者或調或拔五年俸滿以營守備題升○邊遠難廕候推衛千總者因家貧告降準以把總用

凡簡選武舉會試後由部請

簡大臣會部考試騎射分為五等一二三等以衛千總用四等回籍學習五等褫革漕標隨幫効力

官由部於候推千總武舉內簡選引

見命往運糧三次咨部注册推用

凡降補衛守備降一級以守禦所千總用守禦
所千總降一級以衛千總用衛千總降一級以
營千總用南漕隨幫武舉降一級以營千總用
降二級以把總用應降營千總者發鄰省考拔
應降把總者發本省考拔

凡給憑赴任照文職例

例詳吏部

量遠近為限由部

書憑兵科填限該員親赴兵科畫憑其在外推
陞並以簡調繁毋庸送部引

見等官憑限封發各督撫轉給抵任即行繳憑違限
者兵科覈叅計月議處引

見回任及

命往各省試用者給與驗票逾限議處亦如之

欽定大清會典卷六十

欽定大清會典卷六十一

兵部

武選清吏司

守衛

凡宿衛

宮門領侍衛內大臣率侍衛分班入直

紫禁城門前鋒護軍統領率前鋒護軍叅領前鋒

護軍分班入直

皇城門前鋒護軍叅領率所屬官兵及步軍尉步軍分班入直三旗司鑰長一人於

景運門五旗司鑰長一人於

闕左門直宿掌各門鎖鑰有曠直及擅縱人出入者各論如法

凡城守內外城城門領司城門之筦啟閉以時掌之步軍統領不以時至者合符廼啟步軍統

領於次日疏

聞遇

朝會祭祀日所司移部咨步軍統領於曉鐘時啟門納與事官役行人出入仍依常時

凡汛守內外城垣街道及倉庫步軍統領分遣步軍尉率所屬步軍直宿巡警詰姦禁暴緝盜捕逃罔或疎縱部遣官稽察有曠厥職守者論如法恭遇

車駕巡幸八旗都統於各城及街道增設弁兵守衛
歲終封印後亦如之。○設信礮五於白塔山掌
以總管等官以備警急九門設礮亦如之

凡夜禁步軍尉率步軍分界直宿入夜傳籌擊
柝止行人詗姦匪步軍統領翼尉分巡部遣官
稽察有疎縱夜行及擾累行人者官兵責罰有
差

凡防禦火災八旗各設火班領以都統或副都

統一人官十人兵八十人有失火之處分直宿
官兵之半即往撲滅○南城外報步軍統領啟
正陽門城內報相近之旗均立率官兵往救東
城報正藍鑲白二旗西南城報鑲藍鑲紅二旗
東北城報鑲黃正白二旗西北城報正黃正紅
二旗

禁城內及倉庫公廨每翼兩旗同赴有不至者罪
之

大閱

凡

大閱由部三歲一奏請得

旨疏列王公大臣名

簡王公大臣總理其事先飭八旗都統等各帥所部
訓練成式總理王公大臣合八旗將校甲兵擐
甲操演凡鹿角長槍鳥槍神威礮子母礮蒙古
畫角海螺旗纛之屬各飭所司修整以供用列

陣之法左翼鑲黃正白鑲白正藍四旗以次而
東西上右翼正紅正黃鑲紅鑲藍四旗以次而
西東上各按旗為隊首列漢軍火器營鹿角步
卒於中滿洲火器營騎軍於左右統兵大臣十
有七人將校七百二十人兵九千一百七十有
六人次前鋒營護軍營驍騎營並列而各分其
隊統兵大臣十有六人將校二百九十六人兵
四千四百十人分大臣四之一而羸將校甲兵

五之一而贏以為殿又次護軍營驍騎營並列而各分其隊統兵大臣八人將校百四十四人兵三千五百二十八人其分張兩翼綴於左右四旗大營之末者為護軍驍騎營按旗相屬而斜列其隊統兵大臣八人將校百三十六人兵千七百六十四人掌畫角官十有七人禁約官三十二人兵六百四十人傳宣官二十四人

凡統

兵大臣由總理王公大臣列名奏請將校甲兵按各旗各佐領分出先期武備院

於

大閱所立

御營前設

帳殿鑾儀衛陳騎駕鹵簿銃歌鼓樂於
行宮門外左右陳上三旗蒙古畫角於

帳殿前兵部陳傳令海螺於臺下達於軍陣及期
總理王大臣暨八旗領操都統等帥將校軍士
甲冑出營既成列兵部堂官奏請

駕將發聲礮三銃歌大樂作奏壯軍容之章

駕自行宮乘馬侍衛二十人內大臣十人騎而導前
張黃蓋領侍衛內大臣二人後扈侍衛班領率
豹尾班執槍侍衛佩刀侍衛各十人佩弓矢侍
衛二十人騎而從

駕入

御營

躬擐甲冑內大臣侍衛咸甲冑兵部尚書奏請

閱兵

皇帝佩刀出

御營屬橐鞬乘馬兵部堂官甲冑騎而導內大臣侍衛前後扈從如前儀總理王大臣暨滿大學士咸甲冑騎而從豹尾班後三旗內大臣散秩大臣率親軍舉黃龍大纛二三旗侍衛親軍各隨侍衛什長親軍校按隊而行不入陣之王公九卿均按翼序立於左右

皇帝入自左翼由列陣中路行經駢騎護軍前鋒諸隊而南火器營諸隊而北出右翼周閱畢迺還下馬釋橐鞬

御帳殿豹尾班三旗侍衛分翼列侍建黃龍大纛二帳殿左右陳親軍海螺十二於纛前內大臣侍衛親軍羅列環侍執事王公大臣滿漢九卿分翼序立八旗傳宣官騎而列於臺下侍衛每翼六人騎而列於傳宣官之前又選侍衛中善馭馬

者三十人不擐甲列於侍衛之後以控軼馬兵
部尚書奏鳴角鑾儀使率鳴角軍進蒙古畫角
先鳴臺上海螺臺下傳令海螺以次遞鳴達於
軍陣軍中畫角海螺畢鳴傳令海螺以次退立
於臺下軍中三舉礮迺伐鼓行陣昇鹿角整列
而進每進以十丈為率鳴金迺止一字列陣麾
紅旗則槍礮齊發各一周鳴金乃止再伐鼓整
列而進鳴金麾旗發槍礮如初如是者九第十

進槍礮連環齊發無間鳴金迺止八旗開鹿角
成八門首隊前鋒護軍驍騎各整列以次出至
鹿角外次隊隨之火器營列於後既成列鹿角
門闔八旗齊鳴螺呼譟而進兩翼協隊皆鴈綴
以進軍中鳴金迺止為殿之八旗火器營槍礮
護軍驍騎及首隊前鋒護軍驍騎各列於本旗
大纛之下鳴螺振旅而還八旗漢軍分鹿角為
八行本旗都統建龍纛整隊而還首隊兵殿後

兵各以次鳴螺結隊徐旋退列於初成列之地
兵部尚書奏

大閱禮成

皇帝出帳殿入御營釋甲冑內大臣侍衛咸釋甲冑
回鑾導引扈衛如前儀銃歌清樂作奏鬯皇威之章
駕進行宮聲礮三將士各歸營釋甲冑是日

賜燕賞賚各有差

大狩

凡狩田設圍場於古北口外曰木蘭以總管掌
其地政歲遇

皇帝行田既奉

旨總理行營王大臣奏請嚮導官一人先蒞圍場於
鑾輿所經之地除道清軌行文所司儲備宗人府內
閣部院奏請

欽命扈從王公各官八旗護軍統領請

命統領三人營總三人其叅領以下及護軍由八旗

酌委奏

聞先期由部行文駐防將軍都統副都統各選所屬官兵材藝優長者分班遣赴

京師隨團學習○先期一日遣官以狩田祇告

奉先殿至日

皇帝御征衣乘馬出宮翊衛諸臣前引後扈百官采服跪送均如

巡幸儀

詳見禮部

行營駐蹕護軍統領管總各一人率護軍叅領護軍校護軍先蒞其地度地廣狹以立

御營禁隨

駕官兵踐禾稼擾吏民營總巡警嚴譏察止夜行違者論如法既至行在兵部頒行圍禁令

欽命統圍大臣數人先蒞圍場按旗為隊分兩翼斜行成列各置旃以為表前哨左右用藍兩協左白右紅中軍用黃前哨馳而進則後隊以次隨

發統圍場蟬聯環匝由遠而近毋差池毋間斷
皇帝臨圍場□□弓矢圍合獸突

皇帝發矢□□

御前大臣□□□□□軼於圍外者從官追射遇大獸
虎□□□□□□獲獸各比次其類以獻

駕還行□□□□□□□扈從諸臣

大狩□□□□□

□□□□□□□

凡

巡幸所至各備圍場

車駕東巡由部移文

盛京等處將軍經行蒙古諸部由理藩院行知札
薩克王等各率所屬官兵以從

命統圍大臣分翼合圍均如前制

凡田於近郊設圍場於

南苑以奉宸苑領之統圍大臣督八旗統領等各

率所屬官兵先蒞圍場布列鑲黃正白鑲白正
藍四旗以次列於左正黃正紅鑲紅鑲藍四旗
以次列於右兩翼各置旂以為表兩哨前隊用
白兩協用黃中軍用鑲黃

駕至圍場合圍較獵與前制同○每歲孟冬八旗都
統統領奉天吉林黑龍江及直省駐防將軍都
統提鎮各率所屬官兵於郊原曠野習田獵毋
蹂躪民田毋曠延時日格而不舉者論

親征

皇帝躬□□□□□□□□庭先

簡大臣□□□□□□官於

鑾輿所經□□□□程設驛統兵各官率士旅秣馬礪

兵以□□□□既卜日迺陳將士列軍陣而

親訓之

頒行軍律令遣官祇告

天

地

宗廟

社稷及期鑾儀衛陳騎駕鹵簿於

午門外兵部陳八旗蒙古畫角十有六海螺二百
於

堂子街門外設

御營黃龍大燾於內門外設八旗護軍燾火器營燾
各八於黃龍大燾後均北嚮

皇帝御征衣佩刀乘馬出宮詣

堂子行禮畢致禮於

大燾之神禮成

儀詳禮部

皇帝屬橐鞬乘馬內大臣侍衛率親軍舉黃龍大燾
隨行八旗官軍豫於郭外分左右翼陳列首前
鋒軍次鳥槍護軍次護軍次鳥槍驍騎次驍騎

次滿洲礮兵次漢軍火器兵

駕出郭聲礮三官軍皆馬上俯伏候

駕過各整伍以次隨發不隨征之王公百官於大軍
列隊之前兩旁跪送○師行之制兵四人從役
各一人為一幕每兵給馬四匹兵役各乘其一
以二馬負甲冑軍械糗糧鑊帳之屬各分隊以
次而行牧馬於塗分左右路前隊牧馬於路左
則留路右以待後隊均總隸於領侍衛內大臣

每舍護軍統領營總武備院卿立

御營設帳殿幕幄於正中繚以幔城前為旌門領侍衛內
大臣率侍衛親軍宿衛建刁斗設巡警其外為網城
設門三每門以上三旗護軍守之外營連帳大城設
門四每門以八旗護軍守之前鋒軍列為二營屯於
御營之前八旗護軍驍騎列為十六營八旗漢軍火
器營兵列為四營扈從部院堂司官筆帖式列
為一營八旗察哈爾蒙古扎薩克綠旗兵各列

為一營每營以王公大臣領之均統

御營而屯○六軍列陣中設鹿角漢軍火礮鳥槍及
綠旗兵左右列滿洲火器營鳥槍護軍鳥槍驍
騎礮營驍騎次首隊列前鋒護軍驍騎及前鋒
護軍驍騎殿兵各按旗為隊一字列陣二隊列
護軍驍騎如之其分列於左右兩翼者為援兵
各按旗相屬而斜列其隊大軍輜重各隨本旗
叅領立於陣後百步之外部院官暨內務府護

軍執事人前鋒軍均扈從

御駕以備調遣蒙古軍別為一隊以備追擊○六軍
凱旋鑾儀衛陳法駕鹵簿在京王公百官均出
郭五里跪迎

皇帝入都門詣

堂子行禮畢還宮翼日行飲至策勲禮從行將士爵賞
有差擇吉

御殿受賀如大朝儀

詳見禮部

凡

命將

皇帝命大將軍統帥軍旅擇吉出師先期所司陳
欽賜甲冑弓矢於

午門頒賞畢大將軍率從征將士恭詣

御前授行師方畧至日

皇帝臨軒授大將軍

勅印大將軍啟行

乘輿親餞於長安門

賜卮酒大將軍跪受飲畢屬橐鞬乘馬文武大臣承
詔餞於郊設祖帳禮兵二部堂官奉茶大將軍率從

征將士望

闕謝

恩迺整旅而行首列

上賜軍械次令箭次

勅印護

勅印官內閣學士一人隨行大將軍騎後建大纛參贊大臣及戶部官一人兵部官一人刑部官一人記室官四人內閣中書二人翰林院筆帖式二人均隨纛行次標旗次大軍整旅隨發既蒞營簡閱營伍大將軍啟行鼓吹聲礮守營將士離營候送每至一營官兵皆整隊列陣大將軍巡閱既周統兵提鎮率所屬官隨行離汛迺止其行軍機要聽大將軍因地乘時運籌決勝奏

凱還

朝

皇帝臨軒大將軍恭繳

勅印行禮畢迺

賜燕及爵賞有差擇吉獻俘受俘告成功於

天

地

宗廟

社稷勒碑太學以表殊勲

詳見禮部若

命重臣經略軍務其出師節制亦如之

凡行軍律令將帥稟

廟謨作士氣度虛實審機宜毋偷安毋喜功毋信讒
毋虐士卒毋私用僉士毋輕進以挫先聲毋僥
倖以失機要毋避難而阻撓毋嫉功而傾軋毋
玩寇毋養姦毋老師縻餉毋培克糗糧毋暴殘
降卒其悖違矯誣干

成憲以自取戾者刑茲毋赦○將士殺甲冑礪兵
刃備槍礮峙糗糧鎧仗書名馬駝烙印師行有
期如約而至整旅以行視旗纛為行列毋越伍
毋離次毋擁擠喧譁毋游騎馳驟毋追射禽獸
軍過毋騷擾毋踐踏毋掠貨財毋毀民居毋姦
婦女駐營時帳各出一人以俟見藍旗出則取
薪見黑旗出則取水毋擅出入議軍機毋竊聽
宣洩傳軍令毋增減要言毋私語觖望毋煽惑

流言毋疑鬼疑神毋醉酒行暴毋行竊遁逃毋
拾遺私匿毋溺情怠惰而違使令毋不戒於火
以致燎原遇夜警則設備制敵毋倉皇駭亂夢
寐毋警呼偵諜毋晏報守哨毋偷安馬駝牲畜
牧養如法毋縱蹂躪毋汙水泉毋遺忘軍械毋
狼戾資糧違者視其所犯輕重以行軍法將校
論罰有差○臨陣接戰聽金鼓以為進止毋却
顧毋耳語毋離隊而尾人後毋棄伍而入別行

毋違指授而誤事機毋倡邪說而搖衆志軍中
毋疾馳涉險毋嗟怨擊敵必奮勇前驅毋畏蒞
退避毋縱寇遠颺敵人奔潰選精騎追之將領
率大兵殿於後以禦伏寇毋貪取輜重而亂行
伍毋橫殺良民以報戰功有不用命者戮以徇
○振旅而歸以整以暇毋後先踰越毋驕矜毋
縱恣俘獲之人毋褫其衣服毋離散其夫婦毋
掠人之戰功毋詭無為有毋舉輕報重以冒功

欽定大清會典事例
卷六十一
賞違者軍法從事

欽定大清會典卷六十一